

地
124.47
52

地 140.153
539
1

陵縣鄉土志



歷史

本境建置年代

陵縣之名始于明洪武十三年陵縣古屬平原郡自隋唐以前隋唐以後凡所謂平原郡者非陵縣所得專也所謂平原縣者即今之平原縣地尤與陵縣無涉也至若曰將陵曰陵州有陵之名而實非陵縣則以陵德互易故耳要而論之安德之縣置自漢而兼轄厭次之封德州之名起于隋而不廢安德之舊至明始廢安德立縣治瓜疇芋區使不相混

唐虞夏商

兗州之域

禹貢濟河惟兗州于欽齊乘曰德州禹貢兗州之域

欽當時之德州者今之陵縣也夏時屬有鬲氏國通志德平鬲國

陵縣鄉土志

一

鬲既跨有今德州德平之地則陵為其南鄙可知商殷因于夏無所變改考詩書爾雅漢書地理志陵縣於四代均兗州域也

周初

兗州幽州之域

周禮河東曰兗州其川河濟東北為幽州陵南

界河濟屬幽州之域也

春秋

屬齊西偏地

齊桓之時河行徒駭齊地西及河陵其西鄙也

戰國

屬齊西偏地

舊志謂地併于趙封公子勝于此案史記平原君傳

封于東武城徐廣曰清河清河今直隸廣平府屬縣又德州志有

齊平原有趙平原齊平原即漢平原郡趙平原密邇邯鄲即今廣

平府則陵屬齊地于此可證也



秦

厭次 屬齊郡平原地府志始皇東遊厭氣次其地故名秦楚之際無所變改案今治所東北二十五里神頭鎮即厭次城故址也

西漢

安惠縣 師古曰惠古德字

富平侯國 屬齊國又屬青州平原郡應邵曰明帝更名厭次案漢書高帝封爰類為厭次侯是知厭次舊名非始明帝蓋復故耳齊乘水經闕駟注曰厭次縣富平侯張安世封國安世薨子延壽嗣平原之富平乃延壽封邑也

新莽

安德縣 屬青州定安公國以富平改為安樂亭而侯不除按漢書王莽傳莽元年廢孺子嬰為定安公封于此焉

陵縣 鄉土志

二

東漢

安德侯國

厭次縣 置于故富平侯國屬青州平原郡按漢書平原郡王莽曰河平光武復為平原殤帝延平元年封子勝為平原王為國安帝時國除為郡桓帝封弟碩為王遂屬王國又郡國志平原領縣十厭次其一也

魏

安德縣 侯國除為縣屬青州平原郡三國志文帝元年立齊公叡為平原侯後即位復為郡

厭次 屬青樂陵郡夏侯湛東方先生畫贊魏建安中分厭次為樂陵郡按建安漢獻帝年號晉書地理志魏武定伯所置凡十二郡註有樂陵錢氏大昕曰魏武定伯猶奉東漢年號謂漢置也可謂

魏武置亦可也

晉

安德公國 屬冀州平原國又為侯國屬平原郡

厭次縣 屬冀州樂陵郡晉時郡治東徙馬嶺厭次隨郡東徙屬幽

州刺史晉以後之厭次遂與今陵縣無與

後趙前秦前燕後燕

安德縣 公國除為縣東安陵省入

厭次 屬幽州刺史按十六國疆域志後趙屬冀州平原國前燕屬

青州平原郡前秦後燕屬冀州平原郡

東晉

安德縣 屬幽州平原郡

南燕

陵縣鄉土志

三

安德縣 屬冀州平原郡

劉宋

安德令 屬冀州平原太守宋書地理志郡縣皆書守令如今書布

政使司也

北魏東魏北齊周

安德縣 北魏初屬冀州安德郡尋并渤海又屬滄州安德郡東魏

北齊周均無所變改

隋

安德縣 屬德州治至大業三年罷州為平原郡故又屬平原

唐

安德縣 唐書地理志武德四年平竇建德復置德州領縣六安德

屬焉天寶元年改為平原郡乾元元年復為德州屬河北道考顏

真卿傳至德元載棄平原渡河安祿山傳乾元元年偽德州刺史王暕歸順是復平原為德州自安祿山而唐因之也又唐制有州則廢郡有郡則廢州刺史太守不並建

五代

安德縣 屬德州為刺史治

宋

安德 宋復為州理屬河北東路德州平原郡軍治元豐九域志熙寧六年省德州入安德有德化糜村將陵振仁德平重興盤河滋博八鄉今治所東南四十之居一里有盤河鎮集又正東四十里之存一里有滋博店集皆即宋時舊鎮名也

金

安德 金為防禦州治屬山東東路德州初屬劉豫後入金

陵縣鄉土志

四

南宋

安德縣 屬京東東路德州

元

安德縣 屬東平路總管府德州

既置本境之時代

明

陵縣 明洪武七年省安德入德州屬山東布政使司濟南府二十三年分德州置陵縣于舊安德屬濟南府德州按德州志陵德互易考曰今之德州昔之所謂將陵縣所謂陵州也今之陵縣昔之所謂德州安德縣也洪武七年廢陵徙州治于此並廢安德入焉不復曰陵州而于安德省安字曰德州此易陵縣為德州也至十三年于安德廢縣立縣治不復其名曰安德而名之曰陵縣此易

德州為陵縣也陵德之名已四變至是始定焉故昔人有陵德互易考

國朝

陵縣 初屬山東布政使司濟南府德州後德州廢為散州直屬濟南府

政績錄

興利

隋

房恭懿字慎言河南洛陽人初為新豐令政為三輔最超授澤州司馬遷德州司馬在職歲餘盧愷奏為天下最上甚異之謂諸州朝集使曰如房恭懿志存體國愛養我百姓此乃上天宗廟之佑助豈朕寡薄能致之乎朕即拜為刺史豈止為一州而已當令天下

模範之卿等宜師數也後遷海州刺史

趙元淑京兆雲陽人性疎宕不事生產以功拜德州刺史尋拜潁川太守並有威惠

唐

韓思復字紹出京兆長安人以諫議大夫出按山東蝗災還以損傷實白出為德州刺史性恬淡不喜為繩察仁恕不行鞭罰遷吏部侍郎卒諡曰文

韋安石京兆萬年人曾祖孝寬高祖時為陵州刺史安石舉明經調乾封尉雍州長史武后時擢膳部員外郎遷并州司馬有善政陟德州刺史性方重不苟言笑其政尚清嚴而心存忠恕吏民畏而懷之後封勛國公

張知騫字匪躬幽州方城人嗣聖初擢監察御史為德州刺史甚有

聲譽前後凡刺十一州均有威惠武后降璽書存問後自德入計
后奇其貌詔工圖之中宗復位拜左衛將軍加雲麾將軍封范陽
郡公

顏真卿字清臣瑯琊臨沂人少勤學業有詞藻尤工書天寶中出為
平原太守時安祿山逆節頗著真卿以霖雨為託修城浚池陰科
丁壯儲廩食乃陽會文士泛舟外池飲酒賦詩或譏於祿山密偵
之以為書生不足慮也無幾祿山反河朔盡陷獨平原城守具備
事績詳唐書

周

張藏英涿州范陽人世宗即位授德州刺史召募士卒以備契丹邊
郡賴以寧謐事績詳宋史

金

陵縣鄉土志

六

曹望之字景蕭宣德人天會間以秀民子選充女直字學生賜進士
及第大定初監修國史以功任德州防禦使習練錢穀盡心職事
有惠政百姓為立生祠

元

武履常章邱人早歲筮仕為淮西憲幕書吏廉謹明恕能辨明疑獄
嘗出非辜死囚十二人翰苑名公以詩文褒美之聲名藉甚後為
德州知州進官朝散判治之際力以興除為務未踰再期政聲四
馳見府志

賈棟獲鹿人任德州知州治有政聲士卒懷服

明

王鉉大甯衛人由進士任陵縣知縣慎刑罰勤撫字凡政悉為便民
之舉邑本唐宋郡城自德州徙後濶大曠廢繕治不易鉉創築子

城於內以為保障今之新城其故址也後遷工部主事瀕去士夫祖帳老稚攀轅咸垂泣不忍舍舊志載其德政碑有愷悌父母之稱焉

馬珩山西安邑人宏治間由舉人知陵縣修建學校民無告勞德威並著人皆仰戴

甘元雋南直嘉定人嘉靖辛卯知陵縣蒞政端嚴操履貞固均地糧寬里甲累年逋賦俱完無益虛糜盡省

石巖號劍山廣西灌陽人嘉靖丁未由舉人知陵縣心存仁愛政尚公平審戶則而豪強斂跡開雲路而士類奮揚

沈正當塗人嘉靖庚戌由舉人任陵縣慈嚴立己平易近人仕至府通判

李梁河南磁州人舉人嘉靖間知陵縣政端才長改任淳化

宋文明北直永平人萬曆間知陵縣斷若神明心同慈母勤撫字而緩催科之政崇儒術而黜堪輿家言去之日士民攀轅揮涕祀名宦

劉徵松江西安福人嘉靖間知陵縣慈祥持己和易接人

易孔贊陝西華陰人萬曆間由進士任陵縣知縣簡易寡營剛直不屈

國朝

王三元浙江山陰人順治年間由舉人任陵縣知縣當改革之初人情洶洶至則振紀綱安百姓禮學校抑豪強輿論翕然祀名宦

史颺廷字昌言江南溧陽人康熙七年由進士任陵縣知縣初至招集逃亡復業者二千餘戶其餘善政孔多祀名宦

沈斌浙江歸安人嘉慶十年由保薦陞知陵縣為政寬和與士民洽

若家人人卒無干其法者以疾卒於官
去官

宋

梁夢昇太祖時知德州廉幹清慎嘗發前刺史郭貴姦利事貴使都
軍頭領史珪言夢昇欺蔑貴奏上太祖怒曰夢昇本清強吏必貴
所為皆不法爾且珪安得為貴聞言乃以珪與貴付中書條問而
擢夢昇為左贊善

靳懷德博州高唐人太平興國中以明法解褐歷虞部員外郎知德
州咸平中契丹入寇懷德固守城壁祀名宦

趙挺之字正夫密州諸城人由進士通判德州哲宗賜士卒緡錢郡
守貪毫不時給卒怒持挺入府守趨避左右盡走挺之坐堂上呼
問狀立發庫錢而治其為首者衆即定其他事績詳宋史

陵縣鄉土志

八

唐介字子方江陰人通判德州轉運使崔暲取庫絹配民而重其估
介留牒不下且移安撫使責數之暲怒數馳檄按詰介不為動既
而果不能行尋拜參知政事數與王安石爭論薨年六十諡曰質
肅祀名宦

趙淑皎秦悼王四世孫為德州兵馬都監靖康之難被圍凡六戰敵
登城猶向上射之金人執之大罵不屈而死祀名宦

金

王擴字充之中山永平人由進士除同知德州防禦使事賑貸饑民
輒限數外給之山東盜起擴奉牒督捕行章邱道中遇一男子舉
止不常捕訊果歷城盜也衆以為有神仕至尚書卒諡剛毅

明

孫昂字光大號橐泉陝西榆林人嘉靖庚戌由舉人知陵縣值歲歉

抗議發倉賑飢全活萬九千人審均徭率衆誓神不畏強禦一邑肅然民謠云侯若匪鑑照我奚明侯若匪衡稱我奚平陵俗田糧官無記籍吏緣為奸下令使自首不悛者正以法豪惡首地七十八頃積弊頓除獄多繫囚釋其輕者歲旱荒河間劇盜流劫山東擒捕渠魁盜不入境又往按部保陽有豪族包攬巨萬擬以重典巨奸股栗宣大迎刃而解撫按交薦紳士為月報三捷圖以美之在任二載多所建樹祀名宦

南拱極山西安邑人萬曆四十三年由舉人知陵縣為政簡易公正無私值大旱六月不雨妖民程章欲乘機為亂脅從千人約期起事乘其未發夜捕獲之遂正法搜得號籍一冊同衆焚之各幸漏網潛歸後得大雨是歲有秋祀名宦

翟棟字礪砢號林寰陝西朝邑人萬曆戊午由舉人知陵縣禮士養

民以廉潔自矢歲飢捐金施粥麥成乃止全活幾二萬人首議振作人文立社於庠月必三課設社學二十餘處延師訓課館穀悉出於官審戶役升除各當奸猾吏皆逮繫斃杖下陵漕萬石有羨米百二十石貯之倉以備賑歲庚申奉文改折正額外溢銀三千四百五十餘兩清抵本年正賦民賴以蘇遷濟南同知士民如失所天去之日祖餞二百里外不絕祀名宦

國朝

高明字配天直隸晉州人順治五年由進士知陵縣時餘盜猶熾僉以城垣卑薄民少不可守明日城以衛民民以保城四境之內皆吾民也何謂民少乃檢士馬聚芻糧收巨族入城嚴為守禦城賴以全大吏行帑被盜於東鄉李家莊多傷人明嚴捕獲真盜陵人無株累者歲荒繪圖請蠲民獲蘇息焉

何葉二令者何名深乾隆間知陵縣事陵本為德州舊制六鄉養賢
恩義居仁存性明善崇德後陵德互易養賢以下四縣屬陵明善
崇德二鄉割屬德州而征漕輕重懸殊不知其加派之由乾隆初
生員劉深民吳義等陳請減額大府飭前令察勘以加派無據報
深蒞任乃合德陵舊志地圖揭稟請減語甚懇切深去繼之者葉
令標元值大府咨訪利弊復上議如何令說議卒不行時論惜之
趙王槐字者廷江蘇常熟人乾隆三十四年攝陵縣令趨農桑勤聽
斷赫然有政聲未久去三十六年復來攝延接士民勤詢民隱民
以地多斥鹵而陵賦素重不能供億因及何葉二令請減漕額事
王槐以前議既格不行未可再瀆乃履畝勘陂場地三萬六千八
百餘畝請之大府得

旨允免民租五千五百餘石以次實授百姓迎者數千人於是申保甲斤

盜賊詰奸滑吏治肅然士民愛戴為立生祠於顏公祠陵邑故多
循吏其悃悞無華以實心行實政尤推王槐第一云

徐紹薪直隸撫甯人由舉人試用攝陵縣陵漕素重自前令某取民
無度有一馬所負輸米一斗而不足者紹薪歎曰胥吏豁壑之欲
其何能厭乃下令民輸正供若干耗羨若干悉充公皆用公量輸
於倉除淋去溢席盤驗手抄之弊民爭先輸自是縣取於民始有
定額又舊例民畜馬者歲率錢以為役紹薪曰縣非衝途勿用此
悉免役錢邑人至今稱頌其德

黃代元字繼亨河南光州人監生由縣丞遷陵縣知縣道光初

飭天下復修書院巡撫琦下其檄於有司代元以陵故有三泉書院乏
資用不足振多士捐俸為倡紳士王宣等助之並設規條以垂永
久陵漕盈萬石故事民輸十五石者出運車不足者率以錢代元

以地狹漕重改為官運免民出車與率錢又縣中雜役舊以鄉社輪流出車並裁之亦官為雇役三事皆勒石以識士民頌德立匾于堂事曰愛民如子以疾卒于官

明

易謨字嘉猷河南固始人由進士授陵縣知縣存心樂易措施各有方尤以造士為急邑中有獄兄毆殺人給弟服辜而誓為之解獄成竟棄約陰利其產謨廉得其情為白於當道尋以內艱去其人

大哭曰易公去吾不得生也卒死獄中服闋後仕至知府

國朝

趙毓駒貴州桐梓人嘉慶十六年由舉人授陵縣知縣下車受民詞斷訟數事民大悅平原富民王和者有丐強乞其門和逐之夜死

陵縣鄉土志

十一

于廟里保以告和與錢使人埋之時地凍所掘淺狹埋者以鋏折其兩脛他丐知之偽為死者弟索和錢不遂鳴諸官平原令以折脛為左驗坐和毆斃抵罪和家訟諸上官命毓駒復鞠毓駒驗脛折無血痕知非生折者乃問地保鄰佑和毆丐後有負丐至廟者乎皆曰無之世有折脛能行不聞痛呻者乎衆皆語塞乃問埋者汝受人錢埋人而折其脛何耶埋者不能辯乃以損死者支坐埋者予之杖令和以槥瘞屍釋其獄于是鄰縣有疑獄皆願得毓駒鞠之在官三年會鞠省垣者且年餘每歸縣縣人道迎必下輿立語移晷乃行

兵事錄

東漢

光武建武五年己丑二月大司馬吳漢率師擊富平賊徐少獲索賊

師于古平原大破降之
安帝永初四年庚戌平原劇賊劉文河周文光攻厭次殺縣令青州
刺史法雄討破之

魏

孝文帝十四年庚午司馬御惠自稱聖王謀反破平原被獲伏誅
孝昌二年丙午十一月郡人劉樹劉蒼生聚眾反州軍大破之樹奔
于梁

隋

煬帝大業九年癸酉正月郡人李德逸聚眾至萬劫掠郡縣十月武
賁郎將賈青奴擊斬之

唐

天寶十三載平原太守顏真卿修城濬隍十四載安祿山反起兵拒

陵縣鄉土志

十二

之

明

正德六年辛未八月流賊入城劫倉庫獄 七年壬申五月流賊復
入城劫掠

國朝

順治五年戊子夏盜作由高唐以北至陵縣焚掠無虛日居民夜逃
至冬鎮兵合勦始平

康熙十一年七月內有夥賊入李家莊檄保長於旺等救援格殺眾
賊賊不敢入境

同治二年癸亥教匪宋景詩擾及縣境焚掠村莊士女遇害以殉者
不可勝數 七年戊辰捻匪張總愚復犯縣境村莊廬舍蹂躪頗甚
幸總兵陳國瑞率兵至大破賊于邑西城賴以完

耆舊錄

事業

東漢

東方朔字曼倩漢書有傳祀鄉賢

晉

石鑿字林伯太康末拜司空領太子太傅晉書有傳

北朝

東方老安德禹人也家世寒微身長七尺膂力過人魏末兵起以功除殿中將軍後除南益州刺史領宜陽太守攻城野戰率先士卒屢以少制衆敵人憚之

隋

東方舉平原人官刑部執法明允多所糾正

陵縣鄉土志

十三

宋

張雍宋史有傳

明

張山李勉正統初山東蝗旱陵民大飢山勉各出粟一千五百石助賑撫臣以聞賜冠帶皆為立坊表其門
邢端成化己酉舉人行式先民文宗大雅士林推重月旦有聲祀鄉賢

李性成化丁酉舉人宏治初謁銓授河南永城縣知縣遷光州知州蒞政以正民敦教為先期月之間訟獄用稀以母老告終養服闋拜浙江嘉興府同知數月以疾卒於官居心耿介歷士州郡動至乏絕未嘗多取民卒後同官助之歸葬太守鳳喙祭文有曰士庶淒淒而失望兒女皇皇以何依論者謂得廉吏真况

王紘字德遠成化癸卯領鄉薦文譽藉甚試禮部輒不偶躬耕養母
母嘗病迎醫數百里外不解帶交睫者累旬母尋愈人以為誠孝
所感初選陝西韓城令未幾母歿跣行哀號扶柩歸行路為泣下
服闋授山西嵐縣嵐有巨蠹范茂劉全茂奪陶讓地讓不敢辯全
沒官帑萬緡朋惡附之有司莫能問紘下車即抵茂全諸無賴罪
諸蠹慣妄牒訴上巡按謝某雅知紘恐終灌坎富奏調河曲諸蠹
聞紘去甚喜良民如失父母河曲婚嫁率論財男女多愆期紘創
為令只取足于成禮貧甚則官為經紀迄紘去無怨曠者他政便
民皆類是時劉瑾以紘不附已矯詔勒致仕瑾誅起復尋以疾卒
于家

康福壽字永平性孝母病衣不解帶嘗捐金創修東方朔祠一日道
見遺物守待主者還之嘗受鄉人楊從吾寄金俟具次于成立付

之晚年喜治詩尤工元人樂府萬厯間賜氏年高者爵縣令為具
請命下已卧病乃更衣使諸孫扶以拜謝是夕卒孫丕揚

康丕揚字士遇萬厯壬辰登進士仕至御史又按遼差兼學政釐正
文體士風歸正事竣理兩淮鹽課皆卓卓有聲事績詳明史

康灝字道充邑增生丕揚五子性好施予同鎮有金氏者借貸不能
償欲以女抵債灝聞之瞿然取券焚之耕牛力衰不外鬻畜之斃
與人交無偽言

蘭剛中字坦生崇禎辛未進士仕至山西副使李自成亂城破遇害
首墜復躍起丈餘見明史蔡懋德傳祀鄉賢

石金字子堅居神頭鎮鎮素浩穰多窺伺者嘉靖辛丑特築樓櫓以
為守望計金獨力建真武祠台基高十有三尺表三十尺廣二十
八尺下為門可通方軌上起殿三楹經營凡十八年乃成甃甃峻

整瞭望極遠居人德之子獻忠字蓋臣弱冠為名諸生屢試卒不
甚喜施予遇橫逆不較有石佛之稱

石維屏字新周金孫萬曆辛丑進士初知獻縣循良稱第一去後士
民謳思立祠祀焉累官至山西左布政所在有廉聲仕官三十二
年田產不增祀鄉賢

蓋梁字虹江萬曆癸酉舉人除茶陵州知州陞鞏昌府同知以軍功
欽賜銀幣致仕歸仕之地皆立祠崇祀焉

張所蘊字麟野幼失怙事母以孝稱巡撫某表其門年六十以明經
任鞏昌府通判廉隅自飭居官二載歸捐田一頃八十畝為學租
曹魁光字文華庠生秉性孝聞古閔子徐積諸遺事曰人生當如是
矣幾微必窺父母意指事無少拂居家無疾言遽色人曰何能如
此曰恐不和則傷父母心年六十餘猶恂恂如孺子

李日升字中天廩生早孤長為諸生有文譽值世亂遂不事舉業以
朱文公小學教諸子中年失偶不再娶年六十居母喪飲食寢處
一依古禮敦睦宗族明末飢饉里族多逃亡乃集族人戶擇一丁
月給薪米李氏得不散失流寇起民多從之者日升申大義責之
至被殺移時甦傷處竟無纖痕既老惟以書籍自娛著有闢邪論
為世所重

國朝

康廉采字計庸丕揚孫順治戊戌進士除福建興化府推官時歲飢
盜起廉采捐俸救飢者牽其屬撫輯流亡盜旋輯振士習慎用刑
督修瀨溪橋工無濫費更築石隄以障木蘭之水南北二洋田資
灌溉者數百萬畝戊申缺裁士民歌詩送之有蘭水同聲錄未幾
擢知靈壽縣免徭役平市價一如在興化時以疾歸

許上通字茲明順治戊子副榜任陝西隴西縣知縣有惠政善束胥吏獎籍文士紳士范國昌等為詩壽之有社城狐鼠肅秋霽公門桃李含春芳之句蓋實錄云

谷資生字效坤順治己亥進士性孝友推誠施與能以禮化人澆俗為之一變時土寇圍城佐邑令籌捍衛城賴以全授四川太平令兵燹之後百姓流移資生殫心招徠藉以復業者數百家再補河南滎陽縣薄賦休民釐剔姦冗以勞疾卒于任祀鄉賢

康梓字大木年甫六齡喪母哀毀如成人事父素孝謹父嗜鱸雖河水暴漲必馳詣漁所取鱸以供父歿廬墓三年縣令趙表其門李蕃祚字子介康熙己卯領鄉薦選授山西馬邑縣知縣蒞官三月除暴征決滯獄招流亡有民母之稱以催科緩柱議留滯晉中數年歸卒德州孫參議勳為志其墓比之元道州結云

劉燻字聘嚴少孤事母以孝稱外大父歿無子燻為治殮具代擇族子嗣馬邑有義舉率身為先以歲貢授棲霞訓導循循善誘尤重廉恥每引程子餓死事小失節事大語以相勵致仕歸預剋卒期鄉人感其德名其所居村為聘嚴云

鄧其寬好讀書為性理之學軌行謙讓族人與鄉里爭田將起訟其寬排解不聽約共步丈其地謬指己地多種割予之族人乃已

傅安民字惠遠監生性純篤事繼祖母以孝聞歲飢為食食餓者累月全活甚眾親族貧老孤露者皆給田以養縣令杜表其門

張安榮監生慷慨樂施雍正四年捐地一項以濟孤貧邑令以其事上聞賜官帶地方官表其閭

劉深字養純增廣生慷慨多義舉遇事敢決雍正間邑屢大水多逋賦陵漕自明中葉加派以後額獨重深與邑民吳義等具詞院司